

წელიწადი გეოტხე

წელიწადი გეოტხე
კუბლეჩა
Имени
В. И. Ленин
*
ВХОДИТ

სამეურნეო ჟურნალი

გოსავალი



ოქტომბერი.

№ 19 ლ 20.

შინაარსი:

მომხსენება ქ. ს. საზოგადოების ინსტრუქტორის გ. ნახუცრიშვილისა 3

დ. გორთამაშვილი . . .	მეურნეობა ფშავ-ხევსურეთში	10
რ. გედევანიშვილი . . .	საუკეთესო მეწველი ძროხის ნიშნები და პირებები ძროხის გაუმჯობესებისათვის	12
ნ. ჭეიშვილი	ცოცხალი დობების გაკეთება	15
ი. ქურდიანი	მეურნეთა საეურადღოდ	16
ა. კახელაძე	სანიმუშო წესდება	18

ჟურნალი წელიწადში ღირს—3 მანეთი.

მისამართი: Тифлиς, Варятинская 5.

ტფილისი, 1912 წ.

ობ
სნის
იქ
ღმც

სამეურნეო ჟურნალი

მოსავალი

(იბეჭდება ორ კვირაში ერთხელ)

წასულ წელს ჟურნალში იღებდნენ მონაწილეობას:—ანოშვილი ვ., ანაზღუელი ბ., ახალაია ი., გულბათიშვილი ვ., გადმონგეწილი ბ., გვარამაძე ილ., გორთამაშვილი დ., გამსარაშვილი გ., თაქთაქიშვილი გ., იოსელიანი ე., კახელიძე ი., მჭედლიშვილი ვ., მელია პ., მღვიანი დ., მანაბელი ა., მანაბელი ი., ნახუარიშვილი გ., როლოვი ა., რუსიშვილი ა., რცხილაძე ვ., ქუთათელაძე ი., ყაფრიშვილი ნ., ჩივაძე ე., ჩხეიძე უ., ცხადაძე გრ., დ—ძე დ., მღვიანიშვილი, წ—ძე აპ., ხეთაგური ს., შ—ელი ვ., შენგელია ვ.

რედაქცია მოელის თანამშრომლობას სხვებიდანაც.

თანამშრომელთა საშუალებოდ.

ჟურნალის შემოსავლიდან გაისტუმრება ხარჯი სტამბისა და კანცელარიისა, დანარჩენი (თუ რამე დარჩა) წლის დამლევს დაურიგდებათ თანამშრომლებს პროპორციულად მათი ნაშრომისა.

დასაბეჭდად მიღებული წერილები შეიძლება რედაქციამ შეასწოროს და შეამოკლოს. წერილები და კორესპონდენციები, რომელნიც არ დაიბეჭდებიან, არც შეინახებიან დასაბრუნებლად.

რედაქცია მზათ არის აღმოუჩინოს „მოსავლის“ მკითხველებს ყოველ გვარი შუამავლობა სამეურნეო იარაღებისა და მაშინების და აგრეთვე ყველა სამეურნეო ნაწარმოების შექმნა-გასაღებაში.

განცხადებები დაიბეჭდება მხოლოდ უკანასკნელ გვერდზე. ჩვეულებრივი სტრიქონი (გენური ან აკადემიური ასოთი) განცხადებისა ღირს **ორი შაური**.

წლიური აბონემენტებისათვის განცხადების ფასი რედაქციასთან **შეთანხმებით**. განცხადების ფასი წინდაწინვე უნდა იყოს წარმოდგენილი.

რედაქცია ჟურნალის ხელისმომწერლებს წლის დამლევს **გაუგზავნის უფასოდ დამატება-ბროშურას** მეურნეობის რომელიმე დარგის შესახებ.

რედაქტორ-გამომცემელი **პ. ი. რცხილაძე**

მღზუნება

ქართულ სამეურ. საზოგადოების ინსტრუქტორის მიერ მიწის ნაკვეთის აღრიცხვის

როგორც მოგეხსენებათ ქართლს საკმაოდ ვრცელი ადგილი უჭირავს. მისი სამზღვრებია: აღმოსავლეთით მდინარე მტკვარი და არაგვი, დასავლეთით სურამის ანუ ლიხის მთა, სამხრეთით სომხეთი და ოსმალეთი, ჩრდილოეთით კავკასიონის მთები.

ქართლი იყოფა ორ დიდ ნაწილად: ჯავახეთისა და ახალციხის მხარეს ეწოდება ზემო ქართლი, ჩრდილოეთის მხრივ, ესე იგი თრიალეთისა და კავკასიონის მთებ შუა იმყოფება ნამდვილი ქართლი. მთელი ქართლი შესდგება ოთხი დიდი მაზრისაგან: დუშეთის, გორის, ახალქალაქის და ახალციხის. ჩრდილოეთ ანუ ნამდვილი ქართლი მდინარე მტკვრით შეიძლება კიდევ ორად გაიყოს — მტკვრის მარჯვენა და მარცხენა ნაპირები, მტკვრის მარცხენა მხარე გაცილებით განიერი და მთაგორიანი ადგილია; იგი მეტად მდიდარია წყლებით. აქ შეხვდებით ქართლის უმთავრეს მდინარეებს: არაგვს, ქსანს, დიდ ლიახვს და აგრედვე სხვა მრავალ ბატარა წყლებსაც. ამ წყლების წყალობით ეს მხარე დასერილია მრავალი კობტა ხეობებით. მტკვრის მარცხენა ნაპირი საზოგადოდ უფრო ნოყიერი და მოსავლიანი ადგილია. მდინარე მტკვარიდან დაწყებული იგი თანდათან მალღდება და ამისათვის მისი შუა წელიდან ჰავაც საგრძნობლად იცვლება, ესე იგი გრილდება. მიზეზიც ეს გახლავთ რომ მენილეობასაც სწო-

რედ აქეთ მოუკიდნია ფეხი. თუმცა კავკასიონის თოვლიანი მთები მას ზედ გადმოჰყურებენ, მაგრამ მათი სუსხიანი სიცივე მტკვრის მარჯვენა მხარეს უფრო აფუჭებს, ვიდრე მარცხენას. ამას ცხადად მოწმობენ შემდეგი ფაქტები: მაგ. სოფ. ხიდისთავი, რომელიც მტკვრის მარჯვნივ იმყოფება, სიცივის გამო აქაური ვენახების მეტი წილი მიწაში იმარხება. მტკვრის მარცხნივ კი სოფელ კარალეთში (გორიდან 8 ვერსია) აქაური ვენახების მეტი წილი ზამთრობით სარზე რჩება. უფრო ზევით სოფ. თამარაშენში (გორიდან 35 ვერსი იქნება) ვაზი ჩინებულად უძლებს ზამთრის სიცივეს. ასევე შეიძლება ითქვას ხენილზედაც, მაგალითად წლევიანდელმა გაზაფხულის სიცივემ, ბარათ უფრო აზარალა ხენილი, ვინემ მთის კალთებზედ.

მე ვლამარაკობ საზოგადოდ მტკვრის მარცხენა მხარეზე, მაგრამ მენილეობის მხრივ პირველი ადგილი განსაკუთრებით ლიახვის მარცხენა ნაპირს უნდა დაეთმოს, ვინაიდან ეს ადგილი, როგორც ნიადაგით, ისე თავისი გრილი ჰავით მენილეობისათვის უფრო შესაფერისია.

მეორე ადგილს დაიჭერს ლიახვის მარჯვენა მხარე, მესამეს ფრონის ხეობა და მეოთხეს ქალისა და ქსნის ხეობები. მტკვრის მარჯვენა ნაპირი, როგორც ფიცხი და უწყლო ადგილი, მენილეობას ხელს ნაკლებ უწყობს. აქეთ

ხენა-თესვას უფრო მისდევენ, თუმცა ადგილის სიცოტავე და უწყულობა ამ დარგის განვითარებასაც ხელს უშლის. ამის გამო მეტი წილი აქაური გლეხ-კაცობისა გარედ გადის სამუშაოდ.

გადაჭრით შეიძლება ითქვას, რომ ქართლი შედარებით ჩვენი ქვეყნის სხვა კუთხეებთან ზაფხულობით გრილი და ზამთრობით ცივი ადგილია. ქართლის მეხილეობისათვის საშიში დრო უფრო გაზაფხულია, ამ დროს ხშირად იცის აქ თრთვილი, რომელიც ბარად ადრე გამოსულ ხეხილს მეტად აზარალებს, ვიდრე მთა ალაგებში. ქართლში ხშირად უბერავს დასავლეთის ქარი, იგი ღონივრად ხედება მტკვრის ხეობას და ქართლის შუა წელს. იცის აგრედვე აღმოსავლეთის თბილი ქარიც, რომელიც გოღვიან წლებში კირნახულს უფრო აზარალებს ხოლმე.

როგორც ზევით მოვიხსენიეთ სარწყავი წყლებით ქართლი საკმაოდ მდიდარი მხარეა. ყველა ამათ, გარდა მტკვრისა, კავკასიონის მთებში აქვთ სათავე. ხსენებული მდინარეების ერთი კარგი თვისება იმაში გამოიხატება, რომ კალაპოტი არა აქვთ ღრმა და ამისათვის ხალხიც იმათით უხვად სარგებლობს.

გარდა მტკვრის მარჯვენა ნაპირისა, ურწყავი ადგილები ლიახვის მარჯვნივაც ბლომად მოიპოება. ამ მხარეს მხოლოდ თამარდედოფლის დროს ჰქონია სარწყავი წყალი და იმ დროის არხი დღესაც კარგად ემჩნევა. მისი განახლება ახლაც ადვილია, მხოლოდ საჭიროა საქმის რიგიანი მოთავე.

ქართლს თუმცა რკინის გზაცა აქვს, მაგრამ სამწუხაროთ მას ნაკლებ ასარგებლებს, რადგან მის შუა გულს, სადაც მეურნეობა უფრო განვითარებუ-

ლია, საკმაო მანძილზე შორდება. ამ შემთხვევაში ვერ დავემდურებით საურმე გზებს: მარტო ლიახვის ხეობას სამი კარგი გზატკეცილი აქვს. ეს სამივე გზა იწყება რკინის გზიდან და თავს იყრის დაბა ცხინვალში. აქედან ერთი მათგანი მიდის ქუთაისის გუბერნიისაკენ და ერთიც როკის უღელტეხილით გადადის თერგის ოლქში. ქალისა და ქსნის ხეობების გზებსაც არა უჭირთ-რა. მტკვრის მარჯვნივაც არის ერთი გზა, ბორჯომის გზატკეცილი.

რაც შეეხება ქართლის ზედადგს, ამის შესახებ გადაჭრით არაფრის თქმა არ შეიძლება, რადგან მისი მეცნიერულად გამოკვლევა დღემდის თავს არავის უღვია. დაახლოებით კი შემდეგი შეიძლება ითქვას: მტკვრის მარცხნივ მეტი წილი ლამ-ნარევი-თიხა და კირნარევი მიწებია, მარჯვნივ კი თიხა და ქვიანი ადგილები სჭარბობს.

პირველი სოფელი, რომელზედაც მე ვავიარე, კარალეთი გახლდათ. სხვათაშორის ვინახულე თავადი მიხეილ რევაზის-ძე ერისთავის ხილის ბაღი და ვენახი. პირველს 16 დღიურზე მეტი ადგილი უჭირავს, მთელი ადგილი ხეხილით არის სავსე. ეტყობა, პატრონს პირველიდან ჩინებულად დაუწყვია საქმე, მაგრამ სამწუხაროდ გულიც მალე ასცრუებია. აშკარად ემჩნევა 6-7 წლის მოუვლელობა. მთელი ბაღის $\frac{2}{3}$ სათიბათ არის გადაქცეული. მიწის გაფხვიერება და ხეხილის გასხვლა-წამლობა პატრონს ფიქრადაც არ მოსვლია. მოუვლელობის წყალობით 8-9 წლის ხეები დაგოლილან და 2 წლისაებს გვანან. ბევრია აგრედვე თავვისაგან გაფუჭებული ძირებიც. ამ უზარმაზარ ადგილზე ცოტაოდენი სიცოცხლე ბა-

ლის მხოლოდ $\frac{1}{3}$ ეტყობა, მაგრამ ესეც იმის წყალობით, რომ ამ ნაჭერზე პატრონი მებოსტნეობას მისდევს.

მოუვლელობისა გამო ხეხილზე გავრცელებულია მრავალგვარი ავადმყოფობა: — თეთრი ბურტყლიანი ტილი, — ნაცარი (განსაკუთრებით თეთრკალვილზე), ბლუნძელა ჭია (ЯБЛОН. МОЛБ), ცხვირა და ფოთლის მხვეველი ბუზი. დავათვალიერე აგრედვე გლენხების ბაღებიც. აქაც იგივე მოუვლელობა და ათასგვარი ავადმყოფობა ვნახე. ზედმეტ ნაკლულევანებად უნდა ჩაითვალოს ხეხილის ხშირად დარგვა და ხილის მრავალჯიშეობა.

კარალეთში გავრცელებულია შემდეგი ვაშლის ჯიშები: თეთრი კალვილი, ბელფლერი, მოკლე ყუნწა, ანტონოვკა ანუ კანადის რენეტი, სარი სინაპი, ზამთრის წითელი კალვილი და კიტრა. შამპანის რენეტი კარალეთში ნაკლებ არის გავრცელებული. ცოტაა აგრედვე მსხლის ჯიშებიც. გაზაფხულის სიცივისაგან დაზარალებულა უფრო აღრე მოყვავილე ხეხილი როგორც მაგალითად თეთრი კალვილი, ბელფლერი, კანადის რენეტი, მოკლე-ყუნწა და თითქმის ყველა ჯიშის მსხლები; ნაკლებათ — ზამთრის წითელი კალვილი, სარი სინაპი, შამპანის რენეტი და კიტრა. კარალეთის მებაღეობა გაცილებით მაღლა დგას აქაურ მევენახეობაზე. როგორც ეტყობა ეს უკანასკნელი ადგილს უთმობს მეხილეობას.

სოფელი ძვეერა და მარანას ბაღები კარალეთთან შედარებით უკეთეს სანახაობას წარმოადგენენ. ეს გარემოება ჩემის აზრით აქაურ საქმის მცოდნე შემამულეთ ბ-ნ ზედვინიძეებს და ჯაფახიშვილებს უნდა მიეწეროს. სჩანს

ხეხილის გასხვლა-წამლობა აქ უფრო ფხვს იკიდებს. ხეხილის ავადმყოფობაც გაცილებით ნაკლებია. ზარალი სიცივისაგან იგივეა, რაც სოფ. კარალეთში.

ლიახვის მარცხენა მხარეზე ყველაზე მეტი ხილის ბაღები სოფ. ტყვიავსა აქვს. ხეხილის ბაღების დამუშავება ამ სოფელში უკეთესად სწარმოებს, აქაც ადგილობრივ მცოდნე პირთა ზედგავლენა უნდა იყოს, სახელდობრ ბ-ნი კეცხოველის, ფავლენიშვილის, ივანოვის და სხვ. მხოლოდ ერთს ვერ შესჩვევიან ტყვიაველები, სახელდობრ ხეხილის წამლობას, რისგამოც აქაური ბაღები უფრო მეტად დაავადებულა, ვინემ სხვა ალაგებში.

გვარიან ბაღებს შეხვდებით აგრედვე სოფ. კარბეში, არბოში, ქორთაში, ტირძისში, მერეთში და ქსუისში. ყველა ზემოთ ჩამოთვლილ სოფლების მებაღეობას ცხადად ეჩინება ბ-ნ ისაია ფურცელაძის მეზობლობა. მისი საუცხოვოთ მოვლილი ხილის ბაღი, ქართლისათვის ნამდვილ სამაგალითო ნიმუშს წარმოადგენს.

სოფ. ერგნეთი მდებარეობს ცხინვალის ახლო, მდ. ლიახვის პირზე. ეს სოფელი ნაქებია თავის კარგი ღვინით. თუმცა ერგნეთში ხეხილიც მშვენივრად გვარობს, მაგრამ გლენხობა ისევ მევენახეობასა რჩეობს. ამავე სოფელში ვინახულე ქ-ნ ფეფია მაჩაბლის ხილის ბაღი. სიმართლე უნდა მოგახსენოთ, რომ მთელს ჩემ მოგზაურობაში ასეთი მოუვლელი ბაღი არსად შემხვედრია. ბაღი შეიცავს თითქმის 16 დესეტინა მიწას, მთელი ეს ადგილი სავსეა სხვადასხვა გვარი ხილით, მაგრამ ალაგ-ალაგ ისე ხშირად არის დარგული, რომ

შორიდან ნამდვილ საფიჩხე ტყეს წარ-
მოადგენს. ეტყობა ამ ძვირფას მამულს
მოვლა არასოდეს არ ღირსებია.

დაბა ცხინვალში უმთავრესად მევე-
ნახეობას მისდევენ, არის რამოდენიმე
კარგად მოვლილი ხილის ბაღებიც. ხე-
ხილის წამლობა ცხინვალელებს უფრო
ემარჯვებათ. ამის გამო აქაური ხეხი-
ლიც საღათ გამოიყურება.

ლიახვის მარჯვენა მხარე

ცხინვალს ზემოთ 15—16 ვერსის
მანძილზე გაშენებულია შემდეგი სოფ-
ლები: აჩაბეთი, თამარაშენი, ქურთა
და კეხვი. ეს პატარა ადგილი თავის
მდებარეობით და ჰავით საუკეთესო კუ-
თხეა მთელ ლიახვის ხეობაზე. რადგან
მეტე წილი აქაური მამულისა საბატონ-
ნა, ამისათვის გლეხებიც მეხილეობას
ცოტა არ იყოს უგულოდ ეკიდებიან.
ვისაც კი წელი მაგარი ჰქონია და მა-
მული დაუხსნია, იმას საუცხოვო ბაღიც
გაუშენებია. სხვათა შორის შევხვდი
გლეხის ისეთ ბაღებსაც, სადაც პატ-
რონს მხოლოდ თითო ჯიში ხილი აქვს
დარგული, მაგ. თეთრი კალვილი ან
კანადის რენეტე. ეს ჩემის აზრით ფრიად
სასიამოვნო მოვლენად უნდა ჩაითვა-
ლოს. აქეთ მხარეზედაც ორი შრომის
მოყვარე და საქმის მცოდნე პირი იქ-
ცევს მოგზაურის ყურადღებას—სოფ.
თამარაშენში თ-დი ვასილ გიორგის ძე
მაჩაბელი და სოფ. ქურთაში ალექსანრე
მაჩაბელი. პირველს საუკეთესოდ შე-
მუშავებულ ბაღის გარდა აქვს აგრედვე
ნამყენით გაშენებული ვენახიც, რომ-
ლის 7 წლის ღვინო თავისი ღირსე-
ბით ქართლის მეღვინეობაში საუკეთე-
სო ნაწარმოებათ უნდა ჩაითვალოს.

ალექსანდრე მაჩაბლის მეურნეობა-
საც ცხადად ეტყობა ცოდნა და მზრუნ-

ველობა პატრონისა. აქვს სამაგალითო
ხილის ბაღი, რომლის ერთ-ნახევარზე
გაშენებულია საუკეთესო ვაშლის ჯი-
შები, მეორეზე—მსხლისა. როგორც
ბ-ნმა მაჩაბელმა გადმომცა, სოფ. ქურთა
სხვათაშორის იძლევა საუკეთესო თვი-
სების მსხალსაც. მეხილეობას გარდა-
თ-დი მაჩაბელი მისდევს მებოსტნეობას
და თესლეულობით ვაჭრობას. ბოსტ-
ნეულობიდან უმთავრესად მოჰყავთ
კომბოსტო და ნესვი. მეტადრე კომ-
ბოსტო ამ მხარეზე მეტად ხელმისა-
ცემი მცენარეა. ერთი დესეტინა კომ-
ბოსტოს პლანტაცია დაახლოებით 500
მანეთს შემოსავალს იძლევა. ხარჯი კი
ასეთია:

ერთი დესეტინის მოხვნა	10 მან.
ჩითილი (ნერგი) —	7 „
გადარგვა —	6 „
ორჯელ გათოხნა —	22 „
მორწყვა —	5 „
ს უ ლ —	50 მან.

ერთი დესეტინა კარგად მოვლილი
მიწა იძლევა 2500—2700 ფუთ კომ-
ბოსტოს. საშუალო ფასი ფუთზე 25 კ.
ამავე ხეობაზე ლიახვის გაღმა გაშენე-
ბულია სოფლები: ხეთი, ქემერტი და
ხვერი. უწყლოობისა გამო ამ სოფ-
ლებში მარტო ხვნა-თესვას მისდევენ.

სოფ. ზემო ნიქოზში ვახლავთ ბ-ნ
ხეთაგურის სანერგე და ეგრედწოდე-
ბული პომოლოგიური ბაღი. წინა-
წლებთან შედარებით სანერგეს გაფარ-
თობა ეტყობა. რაც შეეხება ხილის
ბაღს იგი მოუვლელობისა გამო ძალიან
დაავადებულია, მეტადრე თეთრი კალ-
ვილი.

დანარჩენ სოფლებში, სახელდობრ:
ქვემონიქოზში, ხეთიში, ფხვენისში,

შინდისში, ყელქცეულში, ვარიანში, საქაშეთში, არაშენდაში, ახალდაბაში, თედოწმინდაში, ოთარწმენში და ტინისხიდში გლახობა უმთავრესად მისდევს ხენა-თესვას და კომბოსტოს მოყვანას. თუმცა მეხილეობა აქეთ სულ ახალი საქმეა, მაგრამ იმედია ამ დარგში მარჯვენა მხარეც ტყვიავის რაიონს მალე წამოეწევა. აქეთი მხრის ხეხილი შეხედულობით ბევრად ჯანმრთელია, ვიდრე ტყვიავისა. მე ვფიქრობ ამის მიზეზი ერთის მხრით აქაური ბაღების სიცოტავე და მეორეს მხრით ტყვიავის რაიონის სიშორე უნდა იყოს.

ლიახვის მარჯვენა მობოვებიან საქმის მკოდნე მეურნენი, რომელთა ნაყოფიერ მუშაობის კვალი კარგად ემჩნევა ზოგიერთა სოფლების მეურნეობას. ესენი არიან ძმანი მიტო და მიშო ღიასამიძენი, ილიკო მაჭავარიანი და დათიკო ციციქიშვილი. მაგალითად თ-დ მიტო ღიასამიძეს სხვათა შორის აქვს სამაგილითოდ მოწყობილი საფუტკრეც. ვარდა იმისა, რომ გლახები ადგილობრივ სწავლობენ მეფუტკრეობის შესახებ წესიერ მუშაობას, თითონ ბ-ნი ღიასამიძეც ხშირად დაიარება სოფელ-სოფელ და ავრცელებს ამ საგნის შესახებ საჭირო ცოდნა-დარიგებას.

ფრონის ხეობაზე ვინახულე სოფელი ბრეთი, სალოლაშენი, არადეთი, წვერა, დირბი და ძვილეთი. ეს ხეობა თუმცა პატარაა, მაგრამ სამაგიეროდ საუცხოვო ადგილმდებარეობა აქვს. თვით სახელწოდება ხეობისა „პატარა კახეთი“ ცხადათ მოწმობს, რომ ოდესმე აქ მევენახეობა ყოფილა აყვავებული. მაგრამ სამწუხაროდ დღეს იმის ნასახიც

ალარსად მოხანს, იგი მთლად ფილოქსერას უმსხვერპლია. თუმცა მეხილეობისათვის აქ საუცხოვო პირობებია, მაგრამ ეტყობა ხალხი ისევ მევენახეობასა რჩეობს, არის რამოდენიმე ნამყენით გაშენებული ვენახი და როგორც გადმომცეს ნამყენი შეუძენიათ სოფ. აჯამეთში ონანოვის სანერგედან. მოიპოვება. რამდენიმე წესიერად შემუშავებული ხილის ბაღებიც, მაგ. სოფ. სალოლაშენში ბ-ნ ალექსანდრე თევდორესძე ყიფშიძის ახლად გაშენებული ბაღი, რომელიც შემდეგში, იმედია, მთელი ამ ხეობისათვის სამაგალითო შეიქნება; სოფ. წვერში ბ-ნი კალატოზიშვილების და შუბიტიძისა; აგრედვე სოფ. ბრეთში მღვ. ედილაშვილისა. ამ ხეობაში სხვათა შორის მშვენიერად გვარობს კომბოსტო. ერთი დესეტინა იძლევა 2700 ფუთამდე.

რუისი კარგად მოზრდილი სოფელია. მცხოვრებლები უმთავრესად ხენა-თესვას და მევენახეობას მისდევენ. მეხილეობა აქ ისევ მამაპაპურის წესით სწარმოებს, ესე იგი მეტი წილი ხეხილისა ვაზებშია არეული. ცალკე გაშენებული ხილის ბაღები აქვს სულ სამი-ოდე კომლს, სხვათა შორის ბ-ნ გულისაშვილს, რომელიც მეხილეობის გარდა მისდევს ხენა-თესვას და საკვებავი ბალახების მოყვანას. აქვს აგრედვე ნამყენი ვაზით გაშენებული ვენახიც. ეს უკანასკნელი, როგორც პატრონმა გადმომცა, ნაყოფს ძალიან ნაკლებს იძლევა. ამის მიზეზი ალბად საძირე ვაზის და ნიადაგის ერთმანეთთან შეუფერებლობა უნდა იყოს.

ამავე სოფელში ღირს შესანიშნავია ქ-ნ დეკანოზიშვილის მიერ სამაგალითოდ მოწყობილი აბრეშუმის ჭიის

სათესლე. ეს შრომის მოყვარე ადამიანი ყოველ წლობით 200—300 მან. ქიის თესლსა ჰყიდის.

მტკვრის მარჯვნივ ვინახულე შემდეგი სოფლები: გომი, ქარელი, სკრა, ხიდისთავი, დოესი, ხოვლე, ზემოხანდაკი, ახალქალაქი, ქვემოგომი, მეტეხი, ქვემოხანდაკი & ძეგვი. აქეთ მხარეს ყურადღებას იქცევს ორი მოზრდილი ხეხილის სანერგე ძმათა ფრიდონოვებისა და ავსარქისოვისა. არის მესამე სანერგეც 2-ს ხეთაგურისა, სოფ. კასპთან. თუ სხვა პატარა სანერგეებსაც შივილებთ მხედველობაში და ერთმანეთს შევადარებთ, მაშინ პირველი ადგილი, როგორც მოწყობილობით ისე საქონლის კარგი ღირსებიდ, ძმათა ფრიდონოვების სანერგეს უნდა დაეთმოს. ამას მოწმობენ თვით ქართლის გლეხობაც, რომელთაგანაც ხსენებულ სანერგეზე ქება-დიდებას მეტი არა გამიგონია-რა. საღი ღონიერი ხეხილი და ამასთან წლევეანდელი ჩინებული მსხმოიარობა, აშკარად მოწმობს მის იდეალურად დამუშავებას. საზოგადოდ მტკვრის მარჯვენა მხარე, გარდა ორიოდ სოფლებისა, მეხილეობას ნაკლებ უწყობს ხელს.

თუმცა დიდი სურვილი მქონდა ქართლის სხვა სოფლებიც დამეველო, მაგრამ რადგან ხეხილი ძალიან დაავადებული ვნახე, ვარჩიე საჩვენებელი წამლობა წლეულობითვე მომეწყო. აი სწორედ ამ გარემოებამ შაიძულა მოგხაურობა შემეწყვიტა და შევდგომოდი ზემოხსენებულ მუშაობის მოწყობას. ამისათვის ავარჩიე 11 სოფელი, აქედან 8 სოფ. ლიახვის მარცხნივ და 3-იც მის მარცხენა მხარეს. მუშაობა სწარმოებდა შიო გედევანიშვილის ხელ-

მძღვანელობით; წამლობა ორჯელ იქმნა განმეორებული. აპარატი და წამლები საზოგადოების ხარჯით იქმნა შეძენილი. თუმცა ეს პირველი წამლობა იყო და ამასთან ავდრებიც ხელს გვიშლიდა, მაინც ნაწამლ ხეხილს შესამჩნევი სიკეთე ეტყობოდა.

როგორც ჩემი მოხსენებიდან დაინახეთ, ქართლის მეხილეობას მრავალი ნაკლულევანება აქვს, სახელობრ: ხეხილის ხშირად და ღრმად დარგვა, გაუსხსლაობა, უწამლობა, ჯიშების მრავალგვარობა და ბაზრისათვის ხილის შეუფერებლობა. მეტადრე ეს უკანასკნელი გარემოება ძალიან აპრკოლებს ხილის გარედ ბაზარში გატანას. ამით სარგებლობენ ჩვენი ტფილისელი ვაჭრებიც და გლეხის ნაწარმოებს სულ ჩალის ფასად იგდებენ ხელში. სულ სხვა იქმნებოდა, რომ ქართლის ბაღებში ერთგვარი შესაფერი ხილი ყოფილიყო გაშენებული. მაშინ ეს გარემოება უსათუოდ მიიზიდავდა გარეშე ქვეყნის ვაჭრებსაც და ამ შემთხვევაში გლეხის ნაწარმოებიც ერთიორად აიწვევდა ფასში.

ვინ არის ამაში დამნაშავე? ჯერ, რასაკვირველია, მამულის პატრონი თავისი უვიცობით და დაუდევრობით და შემდეგ, ზედმეტად, კერძო სანერგეები, კერძო სანერგეების პატრონებს აინტერესებთ მხოლოდ საქონლის გასაღება და ჯიბის გასქელება. ოღონდ კი გლეხს ხეხილი მიაჩჩონ ხელში, და ბევრს არას დაგიდევნენ, კარგი ჯიშისა იქმნება, თუ არა. გლეხმაც რა ქმნას, უქებენ და იმასაც სჯერა, მიაქვს და რგავს თავის ერთ ბოხჩა ადგილზე. გადის 5—6 წელიწადი და სანერგედან ნასყიდი ნამყენი თეთრი კალვი-

ლის მაგივრად ისხავს საზაფხულო ვაშლს. ამის მნახავი ბევრსაცა ნანობს, მაგრამ ლატაკი გლეხისათვის ძნელი-ღაა ასეთი შეცდომის გასწორება. ამგვარ მოვლენას ქართლში ძალიან ხშირად შეხვდებით.

ასეთსავე ღღეშია ღღევენდელი ქართლის მევენახეობაც. გაჩნდა თუ არა ქართლში ფილოქსერა, მასთან ერთად გაჩნდნენ ჯიბის ფილოქსერებიც, ესე იგი გამდიდრების მოტრფილენი. გაიმართა კერძო სანერგეები, რომლებმაც სარგებლობის მაგივრად ქართლს მხოლოდ ზარალი მოუტანეს. ვანა ასეთი კერძო სანერგეების პატრონები არ არიან იმის მიზეზნი, რომ ჩვენი გლეხი ნამყენ ვაზს ღღესაც უნდოს თვალთ უყურებს და ისევე მამაპაპურის წესით რჩეობს ვენახის გაშენებას? მგონი თქვენც ხშირად გსმენიათ, რომ ამა და ამ ალაგას ნამყენი ვაზი არ დამწიფდა, ყურძენი არ მოისხა ან გახმაო. ყველა ასეთი მოვლენა კერძო სანერგეების მოქმედების შედეგია.

არის მეორე გარემოებაც, რომელიც აფერხებს სოფლად მეურნეობის განვითარებას. ეს გახლავთ ჩვენი გლეხის უილაჯობა—სილატაკე. გლეხის სიღარიბით სარგებლობს თანამედროვე ჩარჩი. გლეხის ნაწარმოები რომ მომხმარებელთან მივიდეს, ჯერ უნდა ჩარჩის ხელში გამოიაროს. ხშირად გლეხმა კაცმა არ იცის, ვის მიჰყიდოს თავის ნაშრომის ნაყოფი და ამ გაჭირვებისა გამო სცდილობს მოსავალი რაც შეიძლება მალე გაყიდოს. ამით სარგებლობს ჩარჩი, იგი უდარაჯებს გლეხის გაჭირვებას და ჩალის ფასად სტყუებს საქონელს. მაგალითად ქართლში ხშირად შეხვდებით რომ პატრონს ბაღის ორი

წლის მოსავალი ჩარჩხედ აქვს გაყიდული.

აი ასეთი პატრონი ნაკლებად ფიქრობს თავის მამულზე, თითქოს თავისიც აღარა ჰგონია, უგულოდ უვლის და ამის გამო მამულიც უფუჭდება. ასეთ გაჭირებაში გლეხს 2—3 თუმანი რომ ჰქონოდა, ის ჩარჩვაჭრის მსხვერპლიც არ გახდებოდა.

ჩემის აზრით ზემოთ ჩამოთვლილ სენის წინააღმდეგ საბრძოლველი იარაღი საკრედიტო კოოპერაცია იქნება. როდესაც ასეთი სიმპატიური დაწესებულებანი ჩვენში მკვიდრად ფეხს მოიკიდებენ, მაშინ ხსენებულ მატყუარა ვაჭრებსაც სოფლად ბინა აღარ ექნებათ და გლეხიც სხვისგან დამოუკიდებელი, უფრო გულთანად შეუდგება საკუთარ მეურნეობის გაუმჯობესობას.

დარწმუნებული ვარ რომ ყველა ზემოხსენებული გარემოებანი ჩვენ საზოგადოებას წინაღვე ჰქონდა გათვალისწინებული და ამისათვისაც ხალხის საშველად გაგზავნა სოფლად აგრონომები და ინსტრუქტორი. ესენი თითქმის წელიწადია რაც მუშაობენ, მაგრამ მათი შრომის ნაყოფი ძალიან ნაკლებად მოსჩანს.

სოფლად გასულ მომუშავესათვის, აგრონომი იქნება ის თუ ინსტრუქტორი, ნაყოფიერ მუშაობისათვის უპირველეს ყოვლისა საჭიროა ხალხის დაახლოებით გაცნობა და მათთან ნდობის მოპოვება. ეს კი ჩვენ სოფლებში პირველხანად ცოტა ძნელი მისაღწევია, რადგან თვით ქართველი გლეხი უნდოა, —უნდოა იმისთვის, რომ თავის სიცოცხლეში ის იშვიათად ჰხედავს მისთვის გულწრფელ მოკეთეს. მეტი წილი სულ მატყუარა და მყვლეფავ

ხალხთან აქვს საქმე. ჩარჩი, მამასახლისი, გზირი, მწერალი, ჩაფარი— ყველა ესენი ყოველ დღე ატყუებენ მას. ასეთ წრეში აღზრდილ გლეხს ნება-უნებლიეთ გულში ენერგება უნდობლობა და სოფლად მისულ უცნობ მომუშავესაც, ვინემ ეს უკინასკნელი სიტყვით ნათქვამს, საქმიითაც არ უჩვენებს, გლეხს მატყუარა ჰგონია. ჩვენც სწორედ ასეთ პირობებში ვიმყოფებით.

ყველა ზემოთ ჩამოთვლილ მეურნეობის სენს სიტყვიერი დარიგებით წამალი არასოდეს არ დაედება. მაშ საჭიროა ჯერ საქმე და შემდეგ სიტყვა. საქმეც, როგორც დაინახეთ მრავალია.

ვინ უნდა გაუწიოთ საშველად ხელი, თუ არა ხალხის კეთილდღეობით დაინტერესებულმა ქ. სასოფლო-სამეურნეო საზოგადოებამ, რომლის პირდაპირი ზნეობრივი მოვალეობაა ამ თავიდანვე შეუდგეს ხეხილისა და ვაზის საკუთარ სანტრეგების მოწყობას. იმედია ასეთი გეგმით დაწყობილი მუშაობა, სათაურშივე მოსპობს მეხილეობა-მევენახეობაში მოსალოდნელ შეცდომებს.


დაიწყობს თუ არა სანერგე მოქმედებას, გაიმართება ხალხის მისვლამოსვლაც ზეს იქმნება პირველი ნაბიჯი ხალხის დაახლოვებისა. როდესაც ხალხი დაინახავს ინსტრუქტორის მიერ წესიერად მოწყობილ სანერგეს და იქიდან წაღებული საქონელიც კარგი ღირსებისა გამოდგება, მაშინ ინსტრუქტორს გლეხი უნდოს თვალითაც აღარ შეხედავს. ამ გზით ჩვენ მოვიპოვებთ ხალხის ნდობასაც. სანერგესთანვე უნდა მოეწყოს სამაგალითო საფუტკრე, ბოსტანი, სამეურნეო მაშინა-იარაღების საწყობი და სხვ.

რაც შეეხება იმ საკითხს, სად ან როგორ უნდა მოეწყოს სანერგე, ამაზე ჯერჯერობით არას ვამბობ, რადგან განზრახულ სანერგის გაშენებამდეს, საჭიროა ჯერ მისი დაარსების პრინციპიალურად გადაწყვეტა და ადგილის არჩევა. მხოლოდ ასეთი დადგენილების შემდეგ შესაძლებელი გახდება შემუშავება იმ გეგმისა, რომლითაც უნდა გინხორციელდეს ზემოხსენებული საქმე.

მეურნეობა ფშავ-ხევსურეთში

მგონი ყველა ჩვენგანს უნახავს ფშავ-ხევსური, მაგრამ უმეტეს ნაწილს კი წარმოდგენა არა აქვს, თუ როგორ ცხოვრობს ეს ხალხი, რით იკვებება, რა მეურნეობის დარგს მისდევენ უფრო მეტად. ფშავლები და ხევსურები ცხოვრობენ ფშავ-ხევსურეთის ხეობაზე, რომელიც სულ არავის მისდევს ჟინვანიდან დაწყობილი სოფელ უკანა ფშავამდე. ხევსურეთის ხეობა გაბრუნდება ორ წყალთან სამხრეთ-აღმოსავლეთისკენ.

ფშავხევსურეთისაკენ ერთადერთი საცხენო ბილიკი მისდევს არავის, რომელიც აერთებს ქვევითა ბართან. რამდენი უფრო ზევით მიდის მგზავრი, იმდენი უფრო დიდი მთები უხვდება წინ, ხეობა უფრო ვიწროვდება და საშინელი დიდი კლდეები ამყად გამოყურებენ ზევიდან მგზავრს. თითქმის მთელი სოფლები გაშენებულია ზედ არავის პირზე, სადაც კი პატარა სწორე ადგილს დაინახავთ. გზაზე აქა-იქ შეხვდებით სახნავებს საშინელ გორებ-



ზე, სადაც გამოუცდელ კაცს ფეხითაც კი გაუჭირდება სიარული, არამც თუ ხვნა. უმიწობის გამო, ნამეტნავად საწყალი ხევსური, ისეთ გორაკებსა ხნავს, სადაც ორი ხარი ძლივს მოტრიალდება; ერთი სიტყვით მთელი ფშავხევსურეთი მიუვალ ტყესა და კლდეებს უჭირავს, სადაც ბევრგან ჯერ კაცის ფეხი არც კი დაკარვია.

ხორბლეულობაში უფრო მეტად ქერს სთესავენ, უფრო ნაკლებად პურს და „კრუხას“. ეს უკანასკნელი მცენარე ძალიან გავრცელებულია ნამეტნავად ზოგან; ხორბალი მისი შავია, სამკუთხიანია; თავთავი გაშლილია ფეტვივით, ყვავალი თეთრი იცის. იმის ხორბლისგან შავს პურს აცხობენ და ქათმებსაც აქმევენ; როგორც სახელი გვიბტკიცებს, ეს მცენარე რუსეთიდან უნდა იყოს შემოტანილი.

საზოგადოდ ქერს თიბათვეში სთესავენ და მკიან ღვინობისთვის, უფრო მეტად გლეჯავენ ხელით და პატარა ძნებს კრავენ.

მოსავალი მომკის შემდეგ ჯორებით ან მხარით მიაქვთ შინ და ლეწავენ ან მაშინვე, ან ზამთარში ყინულზე.

გალეწვით ზოგჯერ ხელით ლეწავენ, ბევრს, ზოგჯერ საქონლის ფეხით.

ზოგან ფშავხევსურეთში შეხვდებით პატარა ბოსტნებს, სადაც ნახავთ კართოფილს, სიმინდს, კიტრს, ლობიოს, კომბოსტოს, მაგრამ ეს ყველაფერი ცუდად მოდის, ნამეტნავად ხევსურეთში.

ერთადერთი ცხოვრების წყარო ხევსურებისა მესაქონლეობაა. ხევსურები უფრო ძროხებს აშენებენ, ფშავლები კი ცხვრებს. საუბედუროდ არც იმდენი საქმელი აქვთ, რომ ბევრი საქონე-

ლი გააჩინოს, რადგანაც ზამთარი დიდი იცის და საქონლის გამოკვება ძნელია; თივა ცოტა არის. თივას მაღალ მთებზე თიბავენ; სათიბები ძალიან თხელია და დაბალი ბალახი იცის. სათიბებში საკვირვლათ რბილი მიწა მაღლა მთებზე, ასე რომ ფეხი შიგ მიდის სიარულის დროს. თივა მთიდან ზამთარში თოვლზე ჩამოაქვთ.

ფშავლებს, ვისაც ბევრი ცხვარი ყავს, ზამთარ-ზაფხულ შირაქში არიან და იქა ცხოვრობენ უმეტეს ნაწილად. უბინოთ გაჭირვებულნი შევიწროებულნი ფშავ-ხევსურნი ბარში დაეძებენ საცხოვრებელს. ყოველ წელიწადს ბევრი ჩამოდის ბარში: კახეთში, ერწოში, შირაქში, სადაც ყიდულობენ მამულს და იქ რჩებიან.

ფშავხევსურეთში ზამთარი ძალიან სუსხიანი იცის, სწყდება დიდხანს ყველაფერი მუშაობა და მიმოსვლაც კი, რადგანაც გზები არ არის და ძალიან დიდი თოვლი იცის.

ტყეები შემოსილია ჩვეულებრივი ხეების გარდა არყის ხით, ყოლით, კრიჟოვნიკით და ბევრი სხვით. კლდეები, სადაც თითქმის ყოველგან გადმოჩუხჩუხებს ცივი წყაროები, შემკულია ლამაზი გვიმბრებით, სედიუმებით და ბევრი სხვით.

საზოგადოდ ბუნება ძვირფასია. შეჰყურებთ ამ საშინელ მთებს, კლდეებს და ქუდი გივარდებათ, თვალები გელღევით. ცოტას ხანს თვალებს დაასვენებთ და ისევ ზევითკენ იყურებით, სადაც ზოგან ხევსურების სოფლებია ზედ კლდეებზე მიკრული, ზოგან ზედ კლდეზე ხნავს საწყალი ხევსური თავისი პატარა გუთნით და უღელი ხარით. მეგუთნეს რაც ძალი და ღონე

აქვს ქვევიდან მიუცია მხარი გუთ-
ნისთვის და ზევითკენ ეწევა, არ დამი-
გორდესო.

საზოგადოდ ბუნებრივი სილამაზე ამ
ადგილებისა დაუფასებელია, მაგრამ
რამდენადაც ადგილი ლამაზია, იმდენ-
ად ხალხი ღარიბია; ნამეტნავად ხევ-
სურები საშინელ სიღარიბეს განიც-
დიან.

მეურნეობის დარგიდან ფშავ-ხევსუ-
რეთში ძალიან კარგად გამოდგებოდა
საქონლის მოვლა-მოშენება, მეფუტკ-
რეობა ყველგან და მებაღეობა მარტო
ფშავლებში ორწყლამდენ, სადაც შე-
იძლება გამრავლდეს კარგად მსხალი
ვაშლი, ქლიავი, ალუბალი, კრიჟოვნი-
კი, მოცხარი, ჟოლი და სხვ.

საზოგადოდ შეგვიძლიან ვსთქვათ,
რომ არაფერს მეურნეობას არ მისდე-
ვენ აქ გარდა მესაქონლეობისა და ცო-
ტა ხენა-თესვისა, თუმცა კი შეიძლე-

ბოდა ბევრს დაბლა ადგილებში მება-
ღეობაც.

რადგანაც თავისთვისაც საკმელი ცო-
ტა აქვთ, ამიტომ ფრინველებსაც ცო-
ტას ინახავენ ფშავ-ხევსურნი

ამის მიუხედავად, რომ სიღარიბეში
ცხოვრობენ ხევსურები, მაინც ყოჩა-
ლად და მხიარულად არიან. სტუმრის
მოყვარეობა ძალიან არის დაცული
მათში და ამ დიდებულ დღისათვის
ხევსურს შენახული აქვს ერბო და ძვე-
ლი ღუმა.

იმედია, რომ როდესაც რკინის გზა
გაივლის ფავ-ხევსურეთზე, კულტურას
შეიტანს მათში და გააუმჯობესებს მათ
ცხოვრებას. შვეიცარიაში მარტო მგზავ-
რი ხალხი სტოვებს ყოველ წელიწადს
40 მილიონ მანეთს იმათ მთებში და
მე მგონი ჩვენი ფშავ-ხევსურეთის ბუ-
ნებრივი სილამაზე არ ჩამოურჩება შვე-
იცარიისას.

დ. გორთამაშვილი

საუკეთესო მწველი ძროხის ნიშნები და პირობები ძროხის გაუმჯობესებისათვის

კარგი მწველი ძროხა უნდა იწვე-
ლიდეს წლიურად 6-12-ჯერ მეტ რძეს,
ვიდრე თვით ძროხა იწონის. — (საუკე-
თესო ძროხა ჯერზეი, იწველის ორთა-
შუა რიცხვით დღეში 24 ლიტრს, ყო-
ველ მის 12 გირვანქა რძიდან გამოდის
სულ უკანასკნელი 2 გირვანქა კარაქი).

როდესაც ვშინჯავთ მწველ ძროხას,
უნდა მივიღოთ მხედველობაში: ახალი
მწველია თუ უკვე დამღარი ერთ
დონეზე ეს იმიტომ, რომ პირველ ნა-
ყოლი სანამ შეიმუშავეს თავის რძის
მომცემლობას, ბევრ დროს და ყურა-
დლებას თხოულობს, ვიდრე რამდენიმე
ხბო ნაყოლი. აგრედვე დიდი მნიშვნე-

ლობა აქვს, ძროხა ახალი მოგებულია
თუ უკვე ერთი ან ორი თვე არის გა-
სული რაც ხბო მოიგო. სანამ ძროხა
მოიტენინებს და გაიმართება რძის მო-
მცემლობისათვის, საჭიროა არა ნაკლებ
ერთი თვე.

საუკეთესო მწველ ძროხის ამოსაც-
ნობად მიღებულია შემდეგი ნიშნები:
1) რძის მომცემ ძროხას უნდა ჰქონ-
დეს შეხედულობა ლამაზი და ფხიზე-
ლი; ტყავის კანი თხელი და წმინდა
მშვენიერი სუფთა რბილი ბალნით მო-
ფენილი. ასე შემკულ საქონელს აქვს
ძალიან ინტენსიურად მომქმედი ორ-
განიზმო, რომლის წყალობითაც იგი



ყოველივე საქმელს ძალიან ჩქარა დაი-
მუშავებს და ფიზიოლოგიურად საუკე-
თესოდ გამოიყენებს. 2) კისერზე უნდა
ჰქონდეს მრავალი ნაკეცები. 3) იმ
დროს, როდესაც ჩვენ მეწველ ძროხას
კანის მიხედვით ვარჩევთ, უნდა მივი-
ლოთ მხედველობაში მისი წლოვა-
ნობა და რიცხვი ხბო-ნაყოლობისა.
საერთოდ ჯიელ საქონელს მუდამ უფ-
რო სქელი კანი აქვს, ვიდრე რამდე-
ნიმე ხბო-ნაყოლ ძროხას, რადგან კარგ
მეწველ ძროხას, რამდენიც ხანში შე-
დის, კანი უთხელდება და უწმინდავ-
დება კიდევ.

ზედმიწვევით წლოვანობა და რი-
ცხვი ხბო-ნაყოლობისა შეგვიძლიან გა-
ვიგოთ რქის საშუალებით. ყოველ ხბო-
ნაყოლ ძროხას, ეტყობა რქებზედ
გარშემო შემორტყმული რგოლები.
რამდენადაც ეს რგოლები სუფთა და
ახლო-ახლო არიან, იმდენ ხბო-ნაყო-
ლობას გვაჩვენებენ. ამნაირ რგოლების
შუა ხშირად ემჩნევა აგრედვე რგოლი,
რომელიც სხვა რგოლებთან შედარე-
ბით განიერიც არის და უფრო ღრმად
ჩაჭდებულიც ეს არის იმის ნიშანი, რომ
ძროხა ბერწათ არის ნამყოფი.

უნდა დაითვალოს რქაზედ რგოლე-
ბი. ის რგოლები, რომლებიც აჩვენე-
ბენ ხბო-ნაყოლობას, ჩაითვალოს თი-
თო-თითო წლათ და სიბერწისა კიდევ
ორ წლათ. ამ რიცხვს მიუმატებთ სამ
წელიწადსაც, რადგან მიღებულია რომ
ძროხა იწყობს ხბონაყოლობას სამი
წლის შემდეგ, და გავიგებთ ზედმიწვე-
ვით ძროხის წლოვანობას, ხბო ნაყო-
ლობას და სიბერწესს.

4) სუფთა ნაკეცები და ნაზი კანი
თვალეხსა და შუბლს გარშემო, ნიშა-
ნია კარგ მერძეულობისა, მაგრამ აგრე-

დვე მაჩვენებელია ძროხის მალე დაბე-
რებისა.

5) მერძეულ ძროხას ქოჩრის ბალა-
ნი შუბლზე მუდამ სუფთა და რბილი
აქვს, ტანის ბალანთან შედარებით.

6) რამოდენათაც ნეკნები შორი-
შორს დგანან ერთიმეორისაგან იმდე-
ნად ეს კარგი ნიშანია მერძეულობის,
რადგან სახორცე საქონელს ნეკნები
უფრო ახლო-ახლო აქვთ მოყვანილი.
ბოლო ნეკნებ შუა მანძილი ორი თი-
თის სიგანე მაინც უნდა იყოს. ცური
უნდა იყოს დიდი, ოთხ-კუთხიანი შე-
ხედულობისა და მასთანვე განივრად
შეკრული. მოწველის შემდეგ, ცური
უნდა ცარიელი მჩვარივით დაეკიდოს
და არა უწინდელივე შეხედულობა
ჰქონდეს. მშვენიერი ნაზი კანი ცური-
სა ძალიან სასურველია, რადგან სისხ-
ლის მიღები კან ქვეშ ცხადლივ მოჩა-
ნან. შეიძლება შეხედულობით ცური
დიდი იყოს, მაგრამ ძალიან ცოტა რძეს
იძლეოდეს. როდესაც ამნაირ ძროხასა
ვწველავთ, ცურს არც კი ეტყობა მო-
წველა, იმიტომ რომ ამნაირი ცური
ხორცის უჯრედებითაა სავსე და რძეს
ცოტას იყენებს. ცურის კანი უნდა
იყოს თხელი, სუფთა, უმეტესად მო-
თეთრო-მოყვითალო ფერისა. ცურის
ბალანი უნდა იმდენად მოკლე, ფაქი-
ზი, სქელი და პეწიანი იყოს, რომ
ცური თითქმის უბალნოთ გვეჩვენებო-
დეს.

მრავალი აქა-იქ მოგრძო ბალნები
ცურზე, წოდებული შიმშილის ბალ-
ნებათ, ნიშანია იმისი, რომ ძროხა ძნე-
ლი გამოსაკვებია, ესე იგი ვერ იყენებს
საქმელს.

გძელი კუდი, ბოლოზე სქლად მო-
ფენილ ბალნით ნიშანია იმისი, რომ

ძროხას სისხლი მთელ ტანში კარგად უმოდრავებს და საჭმელს რიგიანად იყენებს.

თუ ცური ზემოდ ნახსენებ ნიშნებიანია და ძროხა მინც ცოტას იწველის, ამ შემთხვევაში შეგვიძლიან ვაუუმჯობესოთ მისი რძის მომცემლობა.

რამდენადაც მალ-მალ მოვწველით იმდენად რძის უჯრედები ვითარდებიან და უფრო მეტ რძეს მოგვცემენ. ამ შემთხვევაში კარგი იქნება თუ პირველ ნაყოლ ძროხას თავიდანვე ყურადღებით მოვექცევით. პირველ თვეს უნდა ვწველოთ დღეში ექვსჯერ, მეორე თვეს ოთხჯერ და შემდეგ თვეებში არა ნაკლებ სამჯერ.

თუ ასე მოვიქცევით, მალე მივალწვეთ ჩვენ საწადელ მიზანს და დავაყენებთ მეწველ ძროხას სამუდამოდ ერთ დონეზედ.

დიდი მნიშვნელობა აქვს აგრედვე იმას, თუ როგორ ვწველით.

ჩვენში სწველიან ამ რიგათ: მოუდგებიან მარჯვნივ, ჯერ ჩამოსწველიან ერთად მარჯვენა წინა და უკანა ძუძუებს და მერე მარცხენა ძუძუებს ერთად. ამ რიგზედ წველით რძე ბევრი იკარგება, რადგან უკანა ძუძუებში მუდამ უფრო მეტი რძეა, ვიდრე წინებში და თუ ჩვენ წინა და უკანა ძუძუებს ერთად ვწველით, მუდამ უკანა ძუძუში რძე ბევრი დაგვრჩება და ტყუილ-უბრალოდ იკარგება. ზემოხსენებულ მიზეზისა გამო უმჯობესია წინა ძუძუები ერთად და უკანები ერთად ჩამოვწველოთ, რომ ავიცილინოთ თავიდან რძის უბრალოდ დაკარგვა.

რძის მომცემლობაში აგრედვე დიდი მნიშვნელობა აქვს, თუ ხბოს მოვაზო-რებთ დედას. ბევრი დედა წველის დროს

იპარავს რძეს. ამ შემთხვევაში, რძე — რძეთ იკარგება და ხბოც ბევრჯერ დავადმყოფდება ხოლმე. თუ ხბოს ცალკე ვიყოლიებთ, ბევრ სარგებლობას ვნახავთ.

როცა ხბო ცალკე გვყავს, მოშორებული, დედა მუდამ მეტს იწველის. ამ შემთხვევაში ხბოს ეძლევა თავის საკმარისი რძე. ასე, რომ არას დროს ზედმეტი რძის გამო აღარ დავიავადმყოფდება. როდესაც ხბო დედას სწოვს ჩვენ არ ვიცით ხოლმე მშიერია იგი თუ მაძლარი.

რძის მომცემლობაზე დიდი მნიშვნელობა აქვს ძროხის მოვლას და საჭმელს. რამდენადაც ძროხას რიგზე ვაქმევთ და სუფთად შევინახავთ იმდენად მეტ რძეს მოგვცემს. სიცივეც ძალიან გვაკლებს რძეს. ამიტომ სითბო თავლაში არანაკლებ 14—15°C უნდა იყოს განუწყვეტლივ. სინათლესაც დიდი მნიშვნელობა აქვს. რამდენადაც თავლა სინათლიანია, იმდენად ძროხა საჭმელს საუკეთესოთ გამოიყენებს და რძესაც მეტს მოგვცემს. თუ თავლაში გვიბია ძროხა, უნდა ვეცადოთ, რომ საჭმელ-სასმელი მუდამ დანიშნულ დროს მივაწოდოთ და არა წარამარა. ყოველ დღე ძროხას უნდა სუფთად უვლიდეთ და თავლაც სუფთად უნდა ინახებოდეს. აგრედვე საჭიროა ძროხას მუდმივ ერთი მომვლელ-მწველელი ჰყავდეს და არა სხვადასხვა, რადგან საქონელმა ძალიან შეჩვევა იცის. დიდი მნიშვნელობა აქვს აგრედვე ჰავასაც. როდესაც ძროხა ერთი ადგილიდან მეორეში გადაგყავს, იგი ვარდება შეუჩვეველ კაცის ხელში და შეუჩვეველ ადგილ-მამულში. ამ შემთხვევაში ძროხა შესამჩნევად იკლებს წველვას და სა-



ნამ არ შეეჩვევა ახალ პირობებს, უწინ-
დებურად არ მოიცემა რძეს.

თუ მომწველოავი უცოდინარია კარგი
მეწველი ძროხა შეიძლება გაფუჭდეს და
რძის მოცემა გაანახევროს.

როგორც ხედავთ ყველაფერს ხელის

შეწყობა და გამოცდილება უნდა, რომ
ჩვენ საწადელ მიზანს მივალწიოთ.

დასასრულ აუცილებლივ საჭიროა,
რომ თავლაში თუ მინდორში მუდმივი
სიმშვიდე იყოს დაცული.

რ. გელჯანიშვილი.

ცოცხალი ღობეების გაკეთება

(წერილი სოფლიდან)

გურიის მემამულეებს მამა-პაპიდან
დაწყებული ყოველ წლობით ვაჟყავთ
ღობეები, რაც მათ იაფად არ უჯდე-
ბათ. ღობის შეკეთება თხაოულობს ყო-
ველ წლობით აუარებელ მუშაობას და
დროს. ჰირნახულის დამუშავების და
შენახვის შემდეგ მამული პირუტყვების
ანაბარა რჩება, რომლებიც ღობეებს
ფეხით აოხრებენ. გაზაფხულობით კი,
როდესაც მოაწევს ხვნა-თესვის დრო,
ხელახლა შეუდგებიან ღობეების შეკე-
თებას და ასე ამ რიგად ყოველ წლო-
ბით უვიცი მემამულე ღობის შეკეთე-
ბაში აუარებელ დროსა და მუშაობას
კარგავს.

ძვირად მოიპოვება ისეთი მემამულე,
რომ მას ღობის გაკეთებაც და ყოვე-
ლი სხვა სამეურნეო საქმე წესიერად
ჰქონდეს დაყენებული. მას არ სწამს
მცოდნე კაცების დარიგება და ამბობს:
„პაპა ჩვენიც და მამა ჩვენიც ასე მუ-
შაობდნენ, მაგრამ მოსავალი კი მოს-
დიოდათო!“ იმას არ ფიქრობენ, რომ
რაც დრო გადის, მიწას სინოყიერე
აკლდება, მჩატდება და აუარებელი
მტრები უჩნდება. რა თქმა უნდა ამის-
თანა სენს შველა უნდა, მაგრამ ნას-
წავლი მუშა ჩვენში არ იცდის, მიდის
სხვაგან და მოჯამაგირედ უდგება სხვას,
რომ ლუკმა პური იშოვოს; ბევრჯერ
შეგვითხებივარ:— „რა გიჭირს კაცო,

შენ სამშობლოში რომ იმუშავო და
რამე აქაურებს ასწავლო“; ის ასე გი-
პასუხებს:— „ძამიავ, სოფელში შიმში-
ლით მოკვდებიო“. სოფლის მეურნეო-
ბა კი რჩება ისევ ძველებური, მამული
შეუღობავი, მოუვლელი, საქონლისა-
გან გატიალებული.

ცოცხალი ღობის მოსაშენებლად ხმა-
რობენ ეკლიან მცენარეს, რომ თა-
ვისუფლად აღამიანს თუ საქონელს ვერ
შეეძლოს გადასვლ-გადმოსვლა. ამის-
თანა მცენარეებს ეკუთვნის: ქრისტეს
გვირგვინი (ГРЕДУИЯ), კუნელი, ღო-
ბიოს ხე, ზღმარტლი, ბროწეული და
სხვა...

ზემო ჩამოთვლილ მცენარეებში ყვე-
ლაზე უფრო უპირატესობა უნდა მიე-
ცეს ქრისტეს გვირგვინს, კუნელს და
ზღმარტლს, რადგან მათ არ იციან აღ-
გილის დაჩავრა ამიტომ თუ გაიფიქ-
რებთ ცოცხალი ღობის მოშენებას,
უნდა მოიქცეთ ამ რიგად: პირველად:
სადაც აპირებთ ღობის გაშენებას, უნ-
და მოთხაროთ არხები სიგანით ერთი
არშინი, სიღრმით კი სამი ჩარეკი ($\frac{3}{4}$
არშ.) და ჩარგათ უნდა მცენარე ერ-
თი არშინიდან სამი ჩარეკის სიღრმე-
მდე, თითო არხში ორ რიგად. ერთი
მცენარე მეორეს უნდა შორავდეს ნა-
ხევარ არშინით ჰანდრაკის წესხედ.

პლანში დასარგავი მცენარე უნდა ამოიღოთ მიწიდან ფრახილად, რომ ნორჩ მცენარეს ნორჩი ფესვები არ დააწყდეს. რამდენადაც მცენარეს მომეტებული ექნება ეს ფესვები, იმდენად მალე გაიზრდება და კარგადაც იზარებს. ქრისტეს გვირგვინმა საზოგადოდ მიწაში გრძლად იცის დედო ძირის წადება, რისგამო დარგვის დროს, ის შეგიძლიანთ შეამოკლოთ ერთ ჩარქვამდე, მხოლოდ არ შეეხოთ ნორჩ ფესვებს. დარგვა და მოშენება ცოცხალი ღობისა შეიძლება შემოდგომით და გაზაფხულობით. სადაც სიცივეები და ნამეტარი ყინვები იცის იქ კი საჭიროა გაზაფხულზედ გააშენოთ. როდესაც არხები მზად არის, შეუდგებით მცენარის დარგვას. აიღებთ მცენარეს, ჩააწყობთ არხებში ორ რიგად ჭანდრაკის წესზე, ასე რომ, როგორც ზემოთა ვსთქვი, ერთი რიგი მცენარეებისა, მეორე რიგის შუა უნდა მიდიოდეს ნახევარი არშინის სიშორეზედ ერთი-მეორიდან. შემდეგ არხებს მიწით გაავსებთ და დატკეპნით მაგრად. მთელი ზაფხულის განმავლობაში ორჯერ ან სამჯერ დასკირდება გათოხნა, რომ ბალახი არ მოერიოს. გიორგობისთვისეში გინდ გაზაფხულზე მცენარე უნდა გაისხლას ნახევარ არშინზე. ასე

გადაკრეჭილ მცენარეს ეზრდება მრავალი ტოტი, ფოთოლი და სხვა...

დარგვის მესამე წელიწადს მცენარე გაიზრდება სამ არშინამდე, შეიძლება მეტიც. საზოგადოდ მიღებულია ცოცხალი ღობის სიმაღლე ორი არშინი. ამიტომ თუ კი მესამე წელიწადს სამი არშინი და მეტიც გაიზარდა, შეგიძლიანთ მაკრატლით შეამოკლოთ ორ არშინზე. მეოთხე წელიწადს უნდა მიეცეს ტანს ფორმა, რომ ტოტები არ იყოს იქით-აქეთ გაშვებული. ყველაზე უფრო კარგი დრო გასხვლისთვის არის თიბათვე ან მკათათვე.

ცოცხალ ღობეს კრეჭავენ ექვს წლამდის, ვიდრე ბუჩქები კარგად გათამამდებიან და ერთიმეორეში გადიხლართებიან. როდესაც ღობეს ექნება ორი არშინი სიმაღლე, მაშინ ტოტები შეგიძლიანთ თავის ანაბარა დასტოვოთ, რომ სარად (ჭიგოთ) გამოადგეს მემამულეს. აქედან ცხადად სჩანს, რომ მემამულეს ორნაირი სარგებლობა აქვს: ყოველ სამ წელიწადს ექნება სარი და მუდმივი ღობე. ცოცხალი ღობე სიიფით, გაძლებით და სხვაფრივ მოსახმარ მასალისთვის ძლიერ სარგებლიანი არის.

ნ. ჭეიშვილი

მეურნეთა საყურადღებოდ

ამ უკანასკნელ წლებში მებაშეობამ დიდა ყურადღება მიიქცია როგორც მთავრობისა, აგრედვე მეურნეთა. მიზეზი ასეთი ყურადღებისა ის არის, რომ რუსეთს საკუთარი ბამბა არა ჰყოფნის, და იძულებულია ისარგებლოს ამერიკიდან მოტანილ ბამბით.

რუსეთის მრეწველობის განვითარება და წინმსვლელობა შეუძლებელია, თუ ამერიკის შეერთებული შტატები არ მოისურვებენ რუსეთს ბამბა მიჰყიდონ (11 მილიონამდე ფუთი შემოდის უცხოეთის ბამბა რუსეთში). ამიტომ მთავრობა ყოველ ღონისძიებას ხმა-

რობს, რომ რუსეთშივე მოიყვანოს საკ-
მაო ბამბა და არ იყოს დამოკიდებუ-
ლი უცხოეთისაგან.

ამ ბოლო დროს ბამბის თესვა-მო-
ყვანას დიდი წარმატება ეტყობა და
ფასებმაც საკმაოდ აიწიეს.

თუ რამდენად სარფაა ბამბის მოყვა-
ნა შედარებით სხვა მცენარეებთან, ეს
სჩანს მაგალითად ერევნის გუბერნიის
მეურნეობიდან.

ერთი დესეტინა ბამბის მოყვანა ღირს:

მოხვნა და დაფარცხვა..	15 მან.
7 ფუთი ბამბის თესლი (ფუთი 50 კ.).....	3 „ 50 კ.
დათესვა.....	1 „
მარგის გაკეთება (და- კვალვა).....	3 „
მორწყვა ხუთჯერ....	10 „
მიწის გასწორება მორ- წყვის შემდეგ.....	1 „ 50 კ.
პირველი გამარგვლა..	6 „
მეორე „ ..	6 „
მესამე „ ..	4 „
წამლობა გოგირდით..	7 „
ბამბის მოკრეჭა...	15 „
50 ფუთი ბამბიდან კურ- კის გამოცლა	6 „
ს უ ლ.....	78 მან.

ერთი დესეტინა შუათანა მოსავალი
იძლევა 20 ფუთ უკურკო ბამბას და 40
ფუთ თესლს. ფუთი უკურკო ბამბა
12 მანეთად რომ ვიანგარიშოთ და
კურკაც ფუთი 50 კაეიკათ, შემოსავალს
მივიღებთ 260 მანეთს. ამას რომ გა-
მოვაკლოთ გასავალი 78 მან., წმინდა
მოგება დარჩება 182 მან.

ესლა გადავიდეთ პურის მოყვანაზე.

ერთი დესეტინა პურის მოყვანა ღირს:

მოხვნა და დაფარცხვა..	15 მან.
15 ფუთი პურის თესლი (ფუთი 1 მან. 20 კ.)..	18 „

დათესვა.....	1 მან.
მორწყვა სამჯერ.....	3 „
მომკა.....	10 „
კალოზე მიტანა.....	3 „
გალეწვა	10 „
განიაფება.....	2 „ 50 კ.
ბზისა და პურის დაბი- ნაფება	2 „ 50 კ.
ს უ ლ....	65 მან.

შუათანა შემოსავალი—ასი ფუთი
ხორბალი (ფუთი 1 მან. 20 კაპ.) და
ასოცი ფუთი ბზე (ფუთი 10 კ) შე-
დგენს—132 მანეთს. გასავალი რომ გა-
მოვაკლოთ—წმინდა შემოსავალი რჩე-
ბა 67 მანეთი.

ამ რიგად დესეტინა ბამბა იძლევა
წმინდა შემოსავალს 182 მანეთს, პუ-
რი კი 67 მანეთს.

მებამბეობას ჩვენში მისდევენ უფრო
ქუთაისის გუბერნიაში, მისდევდნენ კა-
ხეთშიაც ალაზნის პირას, სადაც ბამბა
კარგ მოსავალს იძლეოდა თურმე. შე-
საძლებელია, რომ ბევრი სხვა ადგი-
ლებიც იყოს გამოსადეგი ჩვენ სამშობ-
ლოში ბამბის დასათესად, ამას კი გა-
მოკვლევა უნდა.

როგორც ვიცით ბამბას უყვარს ცხე-
ლი და ყუდრო ადგილი. ამიტომ ნია-
დაგს ამ შემთხვევაში დიდი მნიშვნე-
ლობა არა აქვს. თბილი და უწყვიმო
შემოდგომა ხელს უწყობს ბამბის კარგ
მოსავალს.

ადგილის გამოსაცდელად საჭიროა
რამდენიმე წლის განმავლობაში ითე-
სებოდეს ბამბა მცოდნე პირის ხელ-
მძღვანელობით.

თუ როგორ უნდა ბამბის მოვლა-
მოყვანა, ამაზე უკვე იყო დაწერილი
ქურნალ „მოსავალში“.*)

*) ბ-ნი ტარატინოვის წიგნაკი, ქართული
თარგმნი.

ბაზმის დათესვა კარგ მოსავალს მისცემს ჩვენ გლენკაცს, კარგ ფასში იყიდება და კურკაც სასარგებლოა საქონლის საკვებად და აგრედვე მიწის სასუქად.

კარგი იქნება, რომ ქართულმა სამე-

ურნეო საზოგადოებამ იკისროს ახალი ადგილების გამოკვლევა და ამ საგანზე აღძრას საკითხი მომავალ მეზამბეთა კრებაზე, რომელიც შესდგება 1—5 ნოემბერს ქ. თბილისში.

ი. ქურდიანი

სანიმუშო წესდება

წერილი სსრფლო-სამეურნეო ამხანაგობისა

VII

როგორ უნდა გაიხსნას მომხმარებელი საზოგადოება

ყველაზე ადვილი საშუალება მომხმარებელ საზოგადოების გახსნისა არის დაარსება მისი სამინისტროს მიერ 1897 წელს 13 მაისს მომხმარებელ საზოგადოებათათვის დამტკიცებულის სანიმუშო წესდებით.

წაიკითხავთ რა გულდასმით წესდებას, რომელიც მოგვეყავს ქვევით და იშოვით 40—50 კაცს, რომელნიც განაცხადებენ სურვილს მომავალ მომხმარებელ საზოგადოებაში წევრად ჩაწერაზე, შეიძლება შეუდგეთ საზოგადოების დაარსების თადარიგს.

ამ მიზნისთვის უნდა გამოიწეროთ ქართულ სასოფლო-სამეურნეო საზოგადოებიდან (ტფილისი, ბარიათინსკის ქუჩა, 5.) ორი ეგზემპლიარი სანიმუშო წესდებისა. სანიმუშო წესდებაში გამოტოვებული ადგილები უნდა შეავსოთ საჭირო ცნობებით. როცა ორივე ეგზემპლიარს შეავსებთ ერთნაირად, მას უნდა მოაწერონ ხელი დამაარსებლებმა, რიცხვით 20 არა ნაკლებმა. უკეთესია, თუ ხელს მოაწერს 25—30 კაცი. ხელი უნდა მოეწეროს ვრცლად, ესე იგი ჩაიწეროს: სახელი, მამის სახე-

ლი, გვარი, წოდება და საცხოვრებელი ბინა.

წესდების ერთს ეგზემპლიარს უნდა წაეწეროს ზემოდან „წესდების პროექტი“, მეორეს კი — „წესდების პროექტის პირი“.

ამის შემდეგ უნდა დაიწეროს შემდეგი შინაარსის თხოვნა:

Его Превосходительству,
Г. Начальнику (такой-то губ.)
(имена, отчества, фамилия, званія и мѣстожительства подписавшихся).

ПРОШЕНИЕ

Мы, нижеподписавшіеся, жители села деревни (такой-то) признали необходимым учредить в своемъ сельѣ (или деревнѣ) потребительное общество по прилагаемому при семъ нормальному уставу, а потому имѣемъ честь просить разрѣшить открытіе (тогого-то) потребительнаго общества. Число, мѣсяць годъ.

თხოვნას ხელს აწერენ ისინი, რომელთაც მოაწერეს ხელი წესდების პროექტს და მის პირს.

თხოვნაზე უნდა დაეკრას ორი 75 კაპ. საგერბო მარკა. ასეთივე მარკები უნდა დაეკრას წესდების პროექტის თითო ფურცელზე.

რათა აიცილინოთ მეტი ხარჯი მარკების სყიდვით, წესდება უნდა შეიძინოთ დაბეჭდილი, რომელიც მოთავსებულია ორ თაბახ ქალაღზე და, მაშასადამე, საჭირო იქნება მხოლოდ ორი მარკა. ხელით რომ დაიწეროს წესდება, მაშინ 10 მარკაზე მეტი მოუნდება, რადგანაც ხელით დაწერილი წესდება დაიჭერს 10 თაბახ ქალაღზე მეტს.

თხოვნა შეიძლება გაეგზავნოს გუბერნატორს ფოსტით, ან პირადად მიეცეს დამაარსებელთა რწმუნებულის ხელით. უკანასკნელს შემთხვევაში რწმუნებულს დამაარსებლებმა უნდა მისცენ რწმუნებულობის ქალაღი, რომელიც უნდა შემოწმდეს ან ნატარიუსში და ან სასოფლო სამმართველოში.

დამფუძნებელ კრების მოწვევა შეიძლება მხოლოდ გუბერნატორისაგან ნებართვის მიღების შემდეგ.

მომხმარებელმა საზოგადოებამ სავაჭრო უნდა გახსნას მხოლოდ მაშინ, როცა მოაგროვებს 200—300 მანეთს. პაი არ უნდა იყოს 5 მანეთზე ნაკლები. შესასვლელი ფასი არა ნაკლებ 50 კაპ. გახსნისათანავე დამაარსებელნი უნდა ფრთხილად მოიქცნენ: არ უნდა გამოუდგნენ დიდის ვაჭრობის დაწყებას პირველში, როცა მათ ჯერ საკმარისი თანხა არ ექნებათ.

დარსების პირველ დღიდანვე საზოგადოებისათვის კარგი იქნება, თუ დამაარსებელნი იხელმძღვანელებენ რიჩდელელ ფეიქრების მომხმარებელ საზოგადოების შემდეგ წესებით:

1. წევრნი უნდა იყვნენ თანასწორუფლებიანი და საზოგადოების საქმეებში ყოველ წევრს უნდა ჰქონდეს მხოლოდ ერთი ხმა.

2. პაი არ უნდა იყოს დიდი, რათა მიიზიდოს ღარიბი მცხოვრებნიც.

3. პაის რიცხვი ყველასათვის განსაზღვრული უნდა იყოს.

4. ვაჭრობა შეიძლება მხოლოდ ნაღზე და არა ნისიად.

5. საქონელი უნდა გაიყიდოს მაზანდაზე და არა ნასყიდობაზე.

6. მოგება უნდა განაწილდეს ნავაჭრის კვალობაზე და არა პაიებზე.

საქონელი უნდა გაიყიდოს არა მარტო წევრებზე, არამედ ყველა მსურველზე ერთნაირის ფასით ყველასათვის.

ამას გარდა საქმის წესიერად წასაყვანად არა ნაკლები მნიშვნელობა აქვს მომხმარებელ საზოგადოების მოსამსახურეთადმი მზრუნველობითი მოპყრობას, მათთან კარგს განწყობილებას და მათი შრომის კარგად დაფასებას.

წესდების დამტკიცებისათანავე დამარსებლებმა უნდა გაეგზავნონ თხოვნა ადგილობრივ სახაზინო პალატაში სავაჭრო მოწმობის მისაღებად. თხოვნაზე უნდა დაეკრას ორი 75 კაპ. მარკა. დამაარსებლებმა უნდა იცოდნენ, რომ ის მომხმარებელი საზოგადოება, რომლის პაიებისაგან შემდგარი თანხა არ აღემატება 10,000 მ. (10 II. 371 СТ. о Государ. промысл. пал.), განთავისუფლებულია სავაჭრო გადასახადისაგან. ამისდა მიუხედავად საზოგადოებას მაინც უნდა ჰქონდეს მოწმობა, რომელსაც სახაზინო პალატა უფასოდ მისცემს, ასეთი მოწმობა მიეცემა მხოლოდ ერთი წლით. ახალ მოწმობის მისაღებად მომხმარებელმა საზოგადოებამ უნდა მისცეს სახაზინო პალატას თხოვნა, რომელზედაც უნდა ორი მარკა დააკრას და რომელთანაც უნდა

წარადგინოს საზოგადოების მოქმედების ანგარიში და წინანდელი მოწმობა.

თუ საზოგადოებას განზრახვა აქვს ივაქროს, სხვათა შორის, თამბაქოთი და მაგარი სასმელებით, მან უნდა აიღოს ფასიანი მოწმობა ოლქის სააქციზო სამმართველოდან.

რომ წესიერად აწარმოოს ანგარიში, საზოგადოებამ დაარსების პირველ დღიდანვე უნდა შეიძინოს ქვემოთ ჩამოთვლილი საანგარიშო დავთრები:

- 1) დღიური, 2) კასის წიგნი, 3) პირადი ანგარიშების წიგნი, 4) საქონლის წიგნი და 5) ინვენტარის წიგნი.

მომხმარებელ საზოგადოებას, როგორც სხვა ყოველგვარ კოოპერატიულ ორგანიზაციას, შეუძლიან, საკრედიტო და შემნახველ-გამსესხებელი ამხანაგობების 1905 წლის სამაგალითო წესდების მე-12 მუხლის ძალით, ჩაეწეროს საკრედიტო ან შემნახველ-გამსესხებელი ამხანაგობის წევრად და სესხად გამოიტანოს ფული უგირაოთ 300 მანეთამდე, მხოლოდ ქვემოთ მოყვანილი პირობების დაცვით კი. ეს პირობები დამტკიცებულია წვრილი კრედიტის ცენტრალურ კომიტეტის მიერ 9 ოქტომბერს 1907 წ.

1. სოფლის საზოგადოებამ, ამხანაგობამ და თანამშრომელთა კავშირმა, თუ ჰსურთ წევრად ჩაწერა საკრედიტო ან შემნახველ-გამსესხებელ ამხანაგობაში, უნდა წარადგინონ წესიერად შემდგარი და საჭიროების დროს წესიერად დამტკიცებული: ან სოფლის საზოგადოების განაჩენი და ან პირობის ხელწერილი, რომლებშიაც უნდა მოხსენებული იყოს: ა) კრედიტის რაოდენობა. რომელიცა ჰსურს სოფლის საზოგადოებას, ან ამხანაგობას და ან

თანამშრომელთა კავშირს; ბ) სესხის გადახდის ვადა და ის შემოსავლის წყარო, რომლითაც სოფლის საზოგადოება, ან ამხანაგობა და ან თანამშრომელთა კავშირი გადაიხდის ვალს (მაგ. შენობის შემოსავალი; სოფლის საზოგადოების მიწის შემოსავალი, რომელიც ამ მიზნისთვის იქნება გამოყოფილი საზოგადოების საკუთარ მიწიდან განაჩენით და სხვ.), გ) სოფლის საზოგადოების, ან ამხანაგობის და ან თანამშრომელთა კავშირის რწმუნებული, რომელსაც ექნება უფლება მისცეს ხელწერილი ვალდებულობის გადახდაზე და საზოგადოდ იქონიოს მოლაპარაკება სესხის შესახებ საკრედიტო ან შემნახველ-გამსესხებელ ამხანაგობასთან. დ) რომ საზოგადოება ან ამხანაგობა და ან თანამშრომელთა კავშირი კისრულობს სრულს პასუხის მგებლობას საკრედიტო ან შემნახველ-გამსესხებელ ამხანაგობის ზარალის დროს სხვა ამ უკანასკნელ ამხანაგობების წევრებთან თანასწორად და შეასრულებს წესდებას.

2) კრედიტს სოფლის საზოგადოებას, ამხანაგობას და ან თანამშრომელთა კავშირს უხსნის საკრედიტო ან შემნახველ-გამსესხებელი ამხანაგობის საბჭოსი და გამგეობის წევრთა შეერთებული სხდომა.

3) კრედიტი არ უნდა აღემატებოდეს მან. სოფლის საზოგადოების თითო კომლზე და ამხანაგობის ან თანამშრომელთა კავშირის თითო მონაწილეზე.

4) ფულს სესხად გამგეობა აძლევს იმ წესით, რომელიც დადგენილია საკრედიტო ან შემნახველ-გამსესხებელი ამხანაგობის წესდებაში.

ამასთანავე უნდა ვიქონიოთ მხედველობაში, რომ ზემოდ ჩამოთვლილი წესები ვრცელდება მხოლოდ იმ საზოგადოებებზე, რომელთაც დაწესებული აქვთ წევრთა პასუხისმგებლობა საზოგადოების წინაშე. რადგანაც მომხმარებელ საზოგადოებაში არ არის მიღებული წევრთა პასუხისმგებლობა საზოგადოების ვალდებულებებზე, ამიტომ წვრილი კრედიტის საქმეების სამმართველო აძლევს მას ნებას საკრედიტო ან შემნახველ-გამსესხებელი ანხანაგობის წევრად ჩაწერისას მხოლოდ იმ შემთხვევაში, თუ მომხმარებელი საზოგადოება შესცვლის თავის წესდებას და დაადგენს წევრთა პასუხისმგებლობას ამხანაგობის წინაშე. შეიძლება ეს პასუხისმგებლობა იკისროს მომხმარებელ საზოგადოების წევრთა კეთილსაიმედო ერთმა ჯგუფმა, რომელმაც თანხმობა ამის შესახებ უნდა განუცხადოს ამხანაგობას.

წესდება მომხმარებელი საზოგადოებისა.

მიზანი, უფლებანი და მოვალეობანი საზოგადოებისა.

§ 1. მომხმარებელთა საზოგადოება (სახელი და ადგილი) არსდება იმ მიზნით, რომ რაც შეიძლება იაფად ან ხელმისაწვდენ ფასად მიაწოდოს თავის წევრებს სანოვაგე და ოჯახსა და მეურნეობაში სახმარებელი სხვადასხვა საქონელი და ნივთი და აგრედვე შეძლება მისცეს მათ საზოგადოების მოგებიდან შეინახონ ფული.

შენიშვნა. საზოგადოებას თან შესაფერის ნება-რთვით და მომქმედ დადგენილებათა თანახმად, შეიძლება მოეწყოს სხვა დაწესებულებანი, რომელთაც აზრად ექნე-

ექნებათ სხვადასხვა საშუალებით და ღონისძიებით საზოგადოების წევრთა ცხოვრების ქონებრივ და ზნეობრივ პირობათა გაუმჯობესობა.

§ 2. თანახმად პირველ პარაგრაფში აღნიშნულ მიზნისა, საზოგადოებას ნება აქვს: ა) მოაწყოს სანოვაგის და ოჯახში სახმარებელ საქონელ-ნივთების საკუთარი საწყობები და სავაჭროები ან იჯარით აიღოს იგინი; ბ) დასდოს გარეშე პირებთან ან დაწესებულებებთან ხელშეკრულებები და პირობები იმის შესახებ, რომ ისინი საზოგადოებას მიაწვდიან სანოვაგეს და ოჯახში საჭირო საქონელ-ნივთებს, დასდოს აგრედვე ხელშეკრულებები და პირობები იმ ფულის შესახებ, რომელიც საჭიროა საზოგადოების მოქმედებისათვის; გ) შეიძინოს საკუთრებად, საზოგადო კანონების თანახმად, უძრავი ქონება, საჭირო საზოგადოების დანიშნულებისათვის და დ) შესაფერის ნება-რთვით, კავშირი და ურთიერთობა იქონიოს სხვა ამგვარსავე საზოგადოებებთან.

§ 8. საქონლით და სანოვაგით ვაჭრობა წევრებზე უნდა ხდებოდეს ნაღდ ფულით ან ნისიად, რომლის პირობებიც საზოგადო კრებამ უნდა შეიმუშავოს.

შენიშვნა. ამ პარაგრაფში აღნიშნულ საქონლის გაყიდვა გარეშე ხალხზედაც შეიძლება, მაგრამ უსათუოდ ნაღდ ფულზე და იმ პირობით, რომელსაც საზოგადო კრება შეიმუშავებს.

§ 4. საზოგადოება, მისი სავაჭროები, კანტორები და აგენტები საგილო გადასახადების, სავაჭრო ბაჟის, სადამოყნო, საგერბო და სხვა საზოგადო და ადგილობრივ გადასახადების გაღე-

ბაში ემორჩილებიან ყველა იმ წესებსა და დადგენილებებს, რომელიც ეხლა მოქმედებენ იმპერიაში და რომელიც შემდეგ იქნებიან გამოცემულნი.

§ 5. საზოგადოებას აქვს ბეჭედი; რომელზედაც აღნიშნულია მისი სახელი.

ქონებრივი საშუალებანი საზოგადოებისა

§ 6. საზოგადოების ქონებრივი საშუალება შესდგება საწარმოვო და სათადარიგო თანხებისაგან.

§ 7. საწარმოვო თანხა შესდგება: ა) შესასვლელ გადასახადისაგან (§ 13); ბ) საწევრო პაებისაგან (§ 13) და გ) სესხებისაგან; სესხს იღებს გამგეობა იმდენს, რამდენსაც საზოგადო კრება გადასწყვეტს.

შენიშვნა: მთელი ვალი საზოგადოებისა არ უნდა აღემატებოდეს შესასვლელ გადასახადებისგან შემდგარს თანხის საერთო ჯამს.

§ 8. საწარმოვო თანხა დანიშნულია სავაჭრო ოპერაციებისათვის და საზოგადოების მიმდინარე ხარჯებისათვის.

§ 9. სათადარიგო თანხა შესდგება: ა) იმ ფულისაგან, რომელიც უნდა გადაიდოს საზოგადოების ოპერაციების ყოველ წლიურ მოგებიდან (§ 55; ბ) იმ ფულისაგან, რომელიც დარჩება მოგების განაწილების დროს (§ 55-ს შენიშვნა მე-4); დ) სათადარიგო თანხის პროცენტებისაგან (§ 11) და ე) შემთხვევით შემოსავლისაგან.

§ 10. სათადარიგო თანხა დანიშნულია მხოლოდ იმ ზარალის დასაფარავად, რომელიც შეიძლება საზოგადოებას მოუვიდეს ოპერაციების დროს მოულოდნელ ვარემოებათაგან.

§ 11. სათადარიგო თანხა, საზოგადო კრების დადგენილებით, უნდა იქცეს სახელმწიფო ან მთავრობის მიერ უზრუნველ-ყოფილ სარგებლიან ქალაქებად და ინახებოდეს შემნახველ კასებში, სახელმწიფო ბანკში, მის კანტორებსა და განყოფილებებში ან შესაფერის ნება-რთვით, ხაზინაში. სათადარიგო თანხის დახარჯვა, დანიშნულების თანახმად (§ 10), უნდა მოხდეს უსათუოდ საზოგადოების წევრთა საზოგადო კრების გადაწყვეტილებით.

საზოგადოების შედგენილება, წევრთა უფლებანი და მოვალეობანი

§ 12. საზოგადოების წევრებად მიიღებიან*) აგრედვე ყოველგვარი საზოგადოებანი, ამხანაგობანი, თანამშრომელთა კავშირები (არტელები), სკოლები, საავადმყოფოები და სხვა დაწესებულებანი, რომელიც თანახმანი იქნებიან დაემორჩილებნენ ამ წესდებას.

შენიშვნა 1. წევრთა რიცხვი არავითარის ნორმით არ არის განსაზღვრული.

შენიშვნა 2. საზოგადოებაში არ მიიღებიან: ა) სასწავლებელითა მოსწავლენი; ბ) სამხედრო სამსახურში მყოფნი ჯარისკაცი და გ) ის პირნი, რომელთა უფლებებიც შეზღუდულია სასამართლოს განაჩენით

§ 13. საზოგადოებაში წევრად შესულს შეაქვს: ა) შესასვლელი გადასახადი (ამდენი და ამდენი); ბ) პაი (ამდენი და ამდენი).

შენიშვნა. პაი შეიძლება შეტანილ იქნას ერთბაშად და ან ნაწილნაწილად საზო-

*) აქ უნდა ჩაიწეროს, მაგ. „ორივე სქესისანი, მცხოვრებნი ამა და ამ ქალაქში, სოფელში და სხვ.“

გაღო კრების გადაწყვეტილებით დანიშნულ გადაზვდ.

§ 14. საზოგადო კრებამ უნდა გადასწყვიტოს, ერთს წევრს რამდენი პაის შეძენა შეუძლიან.

§ 15. ყოველ წევრს საზოგადოებაში შესვლისას გამგეობამ, საზოგადო კრების მიერ დადგენილ ფასით, უნდა მიეცეს ერთი ცალი ამ წესდებისა და ანგარიშის წიგნაკი. წიგნაკში აღინიშნება: რამდენი ფული შეუტანია წევრს საზოგადოებაში, რა ფასის საქონელი დაეთმო, რა დივიდენდი მიეცა პაიზე და რა პრემია მიეცა წაღებულ საქონელში. აგრედვე ყველა ის ფული, რაც წევრს საზოგადოების კასიდან წაუღია.

§ 16. ყოველი წევრი საზოგადო კრებებზე სარგებლობს ერთი ხმის უფლებით, იმისდამოუხედავად, თუ რამდენი პაი აქვს მას; თავისი უფლება წევრს არ შეუძლიან სხვას გადასცეს.

შენიშვნა 1. არა სრულ წლოვან წევრებს ხმის უფლება არა აქვთ კრებებზე არც შეიძლება ისინი არჩეულ იქმნენ საზოგადოებაში რაიმე თანამდებობაზე.

შენიშვნა 2. ის წევრნი, რომელნიც დაინტერესებულნი არიან საზოგადოების ამა თუ იმ საქმეში (საქონლის მიწოდება, სახლის დაქირავება და სხვა და სხვა სვაპრო ხელშეკრულება) მონაწილეობას არ იღებენ ამ საქმეების გადაწყვეტაში.

§ 17. პაები შეიძლება გადაეცეს (ისე კი, რომ გამგეობას ეცნობოს) როგორც საზოგადოების წევრებს, ისე გარეშე პირებს, რომელთაც წევრობის წევრობის უფლება აქვთ. თუ პაი გარეშე პირთ გადაეცა, ეს უკანასკნელი მოვალეა შესასვლელი გადასახადი შეიტანოს.

შენიშვნა. შესასვლელი გადასახადი წევრს აღარ უბრუნდება არც მაშინ, როცა ნებაყოფლობით გადის და არც საზოგადოებიდან გამორიცხვის დროს.

§ 18. საზოგადოების ხარალის დროს ყოველი წევრი პასუხისმგებელია თავის პაით. ამას გარდა იგი არც პირადად არის პასუხისმგებელი და არც რამე დამატებითი ფული შეიძლება გადახდეს.

§ 19. წევრი, რომელიც საზოგადოების კასაში წესიერად არ შეიტანს გადასახადებს (§ 3 ლ 13), შეიძლება გამგეობის წარდგენილობით, საზოგადო კრების მიერ გამორიცხულ იქმნას წევრობიდან.

§ 20. ფულის წესიერად შეუტანლობის გარდა, გამორიცხვის მიზეზად შეიძლება განდეს წესდების დარღვევა ხშირად და ხარალი, რომელსაც საზოგადოებას მიაყენებს.

§ 21. წევრის გამორიცხვა შეიძლება იმ შემთხვევაში, თუ ამას გადასწყვეტს საზოგადო კრების დამსწრე ორი მესამედი (§ 31). ამ შემთხვევაში კრება ვალდებულია გამოსარიცხს წევრს მოუსმინოს თავის გასამართლებლად მოყვანილი განმარტებანი.

§ 22. როგორც გამორიცხულ, ისე ნებაყოფლობით გამოსულ წევრებს, აგრედვე რამდენიმე პაის პატრონს, თავიანთი პაიები კუთვნილის დივიდენდებით და პრემიებით (წაღებულ საქონელზე) უბრუნდებათ განცხადების შეტანის შემდეგ მაშინ, როცა საზოგადო კრება დაამტკიცებს მიმდინარე საოპერაციო წლის ანგარიშს და იმის შემდეგ, როცა გასტუმრებული იქმნება საზოგადოების ხარალი (თუ იგი აღმოჩნდა). ვადა ფულის გატანისა უნდა

გადასწყვიტოს საზოგადო კრებამ, მაგრამ ეს ვადა არ უნდა გადასცილდეს სამს თვეს ანგარიშის დამტკიცების დღიდან.

§ 23. როგორც ნებაყოფლობით გასული, ისე გადასახადების წესიერად შეუტანლობისათვის გამოორიციხული წევრები შეიძლება უკანვე საზოგადოებაში იქმნენ მიღებულნი, თუ შეიტანენ, თანახმად მე-13 §-ისა, სავალდებულო პაის და შესასვლელ გადასახადს. სხვა მიზეზით გამოორიციხულნი ხელახლა წევრებად არავითარ შემთხვევაში არ მიიღებიან.

შენიშვნა. გადასახადების წესიერად შეუტანლობისათვის დათხოვნილნი ხელახლა მიღების დროს მოვალენი არიან, ზემოდ მოხსენებულის გარდა, წინდაწინვე გადაუხადონ ვალები საზოგადოებას.

§ 24. თუ ვინცოთაა რომელიმე წევრი გარდაიცვალა, მისი პაეები დივიდენდითა და პრემიით ეძლევა მის მემკვიდრეებს იმავე წესით, რა წესითაც ნებაყოფლობით გასულ წევრებს (§ 22).

საზოგადოების საქმეთა

მართვა-გამგეობა

§ 25. საზოგადოების საქმეებს განაგებს: ა) წევრთა საზოგადო კრება და ბ) გამგეობა.

საზოგადო კრება

§ 26. საზოგადო კრებას უფლება აქვს, თუ საჭიროდ სცნო, გამგეობას თან ერთად, ამოირჩიოს (მაგ. მეთვალ-

ყურე კომიტეტი), რომლის მოქმედება განისაზღვრება საზოგადო კრების მიერ დამტკიცებულ ინსტრუქციით.

§ 27. საზოგადო კრება შეიძლება ჩვეულებრივი და საგანგებო. ჩვეულებრივ კრებას გამგეობა იწვევს ყოველ წელს, არა უგვიანეს აპრილის თვისა: ამ კრებამ უნდა განიხილოს და დამტკიცოს ანგარიში და ბალანსი წარსული წლისა, ხარჯთ-აღრიცხვა, გეგმა მოქმედებისა მდგომარე წელს, აგრედვე აირჩიოს გამგეობის წევრნი (§ 36) და სარევიზიო კომისია (§ 53). ამავე კრებამ უნდა განიხილოს აგრედვე სხვა საქმეებიც, რომლებიც აღემატებიან გამგეობის უფლებას ან ის საქმეები, რომლებსაც გამგეობა წარუდგენს საზოგადო კრებას.

შენიშვნა. საზოგადოების არც ერთს წევრს უფლება არა აქვს, თუ პატივსაღებ მიზეზს არ წარადგენს, უარი სთქვას იმ მოვალეობის ასრულებაზე, რომელსაც მას საზოგადო კრება დააკისრებს.

§ 28. საგანგებო საზოგადო კრებას იწვევს გამგეობა თავის შეხედულობით ან სარევიზიო კომისიის მოთხოვნით ან კიდევ საზოგადოების ($\frac{1}{10}$) წევრთა მოთხოვნით. ასეთი მოთხოვნა შეიძლება სარევიზიო კომისიისა ან საზოგადოების წევრებისა გამგეობამ სისრულეში უნდა მოიყვანოს არა უგვიანეს ორი კვირისა განცხადების შეტანის დღიდან.

ა. კახელაძე

(შემდგენი იქნება)